

ԳՐԱԿԱՆՈՒԹՅԱՆ ԻՆՍՏԻՏՈՒՏԻ ԳԻՏԱԿԱՆ ՍԵՍԻԱՆ

Ապրիլի 21-23-ը տեղի ունեցավ Հայկական ՍՍՌ Գիտությունների Ակադեմիայի Մ. Աբեղյանի անվան Գրականության Ինստիտուտի 4-րդ գիտական սեսիան նվիրված սովետական գրականության հարցերին:

Խրախուսելի պետք է համարել, որ Գրականության Ինստիտուտը, Համ. Կ(բ)Պ Կենտրոնական Կոմիտեի որոշումներից և ընկ. Ժդանովի ղեկուցումից հետո համապատասխան եզրակացության գալով, այս գիտական սեսիայում լսեց և քննարկեց գլխավորապես սովետական գրականությանը վերաբերող հարցեր:

Սեսիայի առաջին օրը լսվեց՝ «Սովետահայ գրականության պատմության պարբերացման խնդիրները» թեմայի մասին Ֆիլոլոգիական գի-

տությունների թեկնածու Ա. Ասատրյանի ղեկուցումը:

Ղեկուցման շուրջը ելույթներ ունեցան ընկ. ընկ. Հմ. Սիրասը, Հ. Գյուլիքևյանը, Ա. Կարինյանը և Հ. Մամիկոնյանը:

Երկրորդ օրը ղեկուցումներ լսվեցին «Սոցիալիստական ուսուցիչի մասին» (զեկ. Ֆիլոլոգիական գիտությունների թեկնածու էդ. Թոփչյան) և «Դրական մարդու կերպարը սովետական գրականության մեջ» (զեկ. Ֆիլոլոգիական գիտությունների թեկնածու Ս. Հարությունյան) թեմաներով:

Ղեկուցումների շուրջը բացված մտքերի փոխանակությանը մասնակցեցին ընկ. ընկ. Հր. Քոչարը, Ռ. Վարդազարյանը, Հ. Սիրասը, Հ.

Գյուլիքևյանը, Ա. Կարապետյանը, Ե. Քոչարը:

Գիտական սեսիայի վերջին նիստում ղեկուցումներ լսվեցին «Կլասիկ ժառանգությունը և սովետահայ գրականությունը» (զեկ. պրոֆ. Հ. Գյուլիքևյան) և «Ռուս գրականության նշանակությունը սովետահայ գրականության համար» (զեկ. Ա. Կարինյան) թեմաներով:

Այս ղեկուցումների առթիվ ելույթներ ունեցան Հ. Համբարձումյանը, Ռ. Վարդազարյանը, Հ. Սիրասը:

Գիտական սեսիայում բոլոր ելույթ ունեցողները նշեցին քննարկվող հարցերի ակտուալ նշանակությունը, միաժամանակ ցույց տալով ղեկուցումների մեջ եղած որոշ վիճելի հարցերը: